

本
草
原
始

本草原始卷之三

草部下

附子

烏頭川烏草 烏喙射罔

天雄

半夏

大黃

葶藶

桔梗

旋覆花

藜蘆

射干

常山

井遂

白欬

青箱子

白及

大戟

貫仲

土茯苓

何首烏

商陸

威靈仙

牽牛子

黑白二種

蓖麻子

天南星

篇蓄

狼毒

徐簽

馬鞭草

仙茅

劉寄奴草

骨碎補

續隨子

山豆根

馬兜鈴

青木香

鶴虱

白附子

蚤休

胡蘆巴

木賊

穀精草

夏枯草

鴨跖草

山慈菘

燈心草

水蓼

海金沙

雞冠

鎖陽

三七

甘松香

藿香

青蒿

蜀葵

紅白二種

地丁

白頭翁

鳳仙

曼陀羅花

芫花

覆盆子

番木鱉

黃藥子

藜蘆

白龍鬚

草果

大茴香

兩頭尖

通脫木

瞿子粟

阿芙蓉

忍冬

南藤

清風藤

釣藤

草部下七十五種附名者六種

本草原始卷之三

雍丘正字李中立纂輯並書畫

草部下

附子 始生犍爲山谷及廣漢。今出蜀土。其根彷彿山芋。皮黑體圓底平。以八月上旬采。八角者良。一箇重一兩者。氣全堪用。附烏頭而生。如子附母。故名附子。別有一種白附子而小。故俗呼此爲黑附子。亦呼大附子。

氣味辛溫有大毒

主治風寒欬逆邪氣寒濕痿躄拘攣膝痛不能行步破癥堅積

聚血癥全瘡○腰脊風寒脚氣冷弱心腹冷痛霍亂轉筋下痢赤白溫中強陰堅肌骨又墮胎為百藥長○溫煖脾胃除脾濕腎寒下焦之陽虛○除臟腑沉寒三陽厥逆濕滯腹痛胃寒蚘動治經閉補虛散壅○督脉為病脊強而厥○治三陰傷寒陰毒寒疝中寒中風痰厥小兒慢驚風濕痺腫滿頭風頭痛暴瀉脫陽久痢寒瘡嘔逆反胃療耳聾

附子
本經子
下品

古方多用八角者



鮮皮黑者

今人多用九角者



乾色白者

修治附子生用則發散熟用則峻補生用去皮臍熟用以水浸過炮令皺折去皮臍切片炒黃色去火毒用附子並下條烏頭烏喙天雄側子只是一種初採鮮時色黑後

市者有以鹽水浸之取其體重買者當以體乾堅實頂圓正底平者為良

經造醱色白醱之法先於六月內踏造大小麩麩未采前半
月用大麥煑成粥以麩造醋候熟去糟其醋不用大酸酸則
以水解之將附子去根鬚於新甕內淹七日每日攪一遍撈
出以疎篩攤之令生白衣乃向慢風日中晒之百十日以透
乾為度若猛日則皺而皮不附肉

元素曰附子大辛大熱氣厚味薄可升可降陽中之陰浮中沉
無所不至為諸經引用之藥

地膽為之使惡蜈蚣畏防風黑豆甘草人參黃耆烏韭
孫兆口訣云若陰盛陽傷寒其人必燥熱而不欲飲水者是也

宜服霹靂散附子一枚燒為灰存性為末蜜水調下一服而
愈此通散寒氣然後熱氣上行而汗出乃愈

烏頭係附子之正根春時採因有腦似烏鳥之頭故名烏頭。

氣味辛溫別錄曰其大熱有大毒
主治中風惡風洗洗出汗除寒濕痺上氣破積聚寒熱消胃

上痰冷不下心腹冷疾臍間痛肩脾痛不可俛仰目中痛不可久視又墮胎其汁煎之名

附子

味苦有大毒療尸疰癥堅及頭中風痺痛殺禽獸

烏頭本經下品

烏頭乃歪頂之

附子也鮮時色

黑經製過晒乾

則色白

鮮形黑



醱造過乾烏頭形色白



似草烏小光黑俗呼川烏



去皮臍

烏頭始生朗陵山谷今出蜀地市者烏頭烏喙天雄附子混賣要知元種者母為烏喙附子小者為側子實五物而一種也雄兩岐相合者為烏喙今呼為川烏頭亦呼川烏世用烏頭今用側子者甚稀烏頭今呼為川烏頭亦呼川烏世用烏頭並用似草烏無蘆有臍先黑而小者不見用歪頂之附子也莽草高之使反半夏枯樓貝母白欵白及惡藜蘆忌鼓汁千金方治耳鳴如流水聲耳痒及風聲不治久成聾生烏頭一味搗得承濕削如棗核大塞耳旦易夜易不三日愈使

又有一種野生者根苗花實並與川烏頭相同又無醜造之法其根外黑內白有蘆皮皺而枯燥為異耳然毒則甚焉名

草烏頭

俗呼草烏治風濕麻痺疼痛發破傷風汗功同烏頭

草烏頭形

烏頭本經下品
草烏頭處處有之



黑色



草烏類川
烏皮皺

修治草烏頭或生或炮或薑汁炒或烏大豆同煮熟去其毒用中其毒者黑豆冷水能解之

烏喙

始生朗陵山谷今出蜀土係兩岐之烏頭也喙乃烏之口

此藥兩岐相合如烏之口故名烏喙

氣味辛微溫有大毒

主治風濕丈夫腎濕陰囊痒寒熱歷節掣引腰痛不能行步癰腫膿結又墮胎○治男子腎氣衰弱陰汗主療風濕邪痛治

寒熱癰腫歲月不消者 主大風頑痺

烏喙
本經
下品

根鮮
時則
色黑



醱造
過則
色白



二月八月
採根

修治烏喙火炮去皮臍用 畏惡同烏頭

烏喙江東人呼為董晉驪姬譖申生寘董于肉者是也唐武后
置董于食賀氏食之暴死蘇秦曰人之饑所以不食烏喙者
以其錐偷充腹而與死同患也可見烏喙迺至毒之物也

天雄 始生少室山谷今出蜀土乃種附子而生出或變出其形


長而不生子故曰天雄。

氣味辛溫有大毒
主治大風寒濕痺歷節痛拘攣緩急破積聚邪氣全瘡強筋骨

輕身健行。○療頭面風去來疼痛心腹結聚關節重不能行
步除骨間痛長陰氣強志令人武勇作不倦。○治風痰冷痺
軟脚毒風能止氣喘促急殺禽蟲毒。○治一切風一切氣助
陽道暖水臟補腰膝益精明目通九竅利皮膚調血脈四肢
不遂下胃膈水破瘰癧結排膿止痛續骨消痰血背脊偃
倭霍亂轉筋發汗止陰汗炮食治喉痺

天雄本經下品

係長柄之附子也



修治天雄宜炮破去皮尖底用。權曰大熱宜乾薑制之
之才曰遠志為之使惡腐婢忌豉汁。天雄君

側子 本經載烏頭烏喙生朗陵山谷。天雄生少室山谷。附子側


子生犍鳥山谷及廣漢。今並出蜀土。然烏喙、雄附、側、同根。而本

經分生三處者。各有所宜故也。其苗高三四尺以來。莖作四稜。葉如艾花。紫碧色。作穗。實小子。黑色。如桑椹。號曰木鼈子。服之令人喪目。其根狀如棗核。生于附子之側。故名側子。

氣味辛大熱有大毒

主治癰腫風痺。歷節腰脚疼。冷寒熱鼠瘻。又墮胎。○療脚氣冷風濕痺。大風筋骨攣急。○冷酒調服。治遍身風癢。神妙。

側子別錄下品



係絕小之附子也。八月采

側子修治同附子。畏惡同附子。



始生槐里山谷。今在處有之。以齊州者為佳。二月生苗。一

莖。莖端三葉而光。頗似竹葉。淺綠色。江南者似芍藥葉。根下相

重生。上大下小。皮黃肉白。八月採根。以灰裹二日。湯洗暴乾。記月令五月半夏生。蓋當夏之半也。故名半夏。

氣味辛平有毒

主治傷寒寒熱心下堅胃脹欬逆頭眩咽喉腫痛腸鳴下氣止汗。○消心腹胸膈痰熱滿結欬嗽上氣心下急痛堅痞時氣嘔逆消癰腫療痿黃悅澤面目墮胎。○消痰下肺氣開胃健脾止嘔吐去胸中痰滿生者摩癰腫除瘡瘦氣。○治吐食反胃霍亂轉筋腸腹冷痰癢。○治寒痰及形寒飲冷傷肺而欬消胃中痞膈上痰除胃寒和胃氣燥濕治痰厥頭痛消腫散結。○治眉稜骨痛。○補肝風虛。

半夏

正色



白色



背有臍並鬚眼
圓白陳久者良

本草原始

草部

三卷之五

修治半夏以漆湯泡二三日每日換湯後以皂角白礬生薑煮過待冷以清水洗淨切片晒乾任用生戟人喉

半夏研末以薑汁白礬湯和作餅子楮葉包置籃中待生黃衣一日乾用謂之

半夏 主治同半夏但力柔耳

元素曰半夏味辛苦性溫氣味俱薄沉而降陰中陽也射干柴胡為之使惡皂莢畏雄黃生薑乾薑秦皮龜甲反烏頭

忌羊血海藻飴糖

凡採得半夏當以灰裹二日湯洗暴乾

治五絕一曰自縊二曰墻壁壓三曰溺水四曰魘魅五曰產乳

凡五絕皆以半夏一兩搗羅為末丸如大豆內鼻孔中愈心溫者一日可治 丸半夏末以冷水和丸 半夏使

大黃 始生河西山谷及隴西今蜀川河東陝西州郡皆有之以


蜀川錦紋者佳其次秦隴來者謂之土蕃大黃正月內生青葉

似蓖麻。大者如扇。根如芋。大者如椀。長一二尺。其細根如牛蒡。小者亦如芋。四月開黃花。亦有青紅似蕎麥花者。莖青紫色。形如竹。二月八月采根。去黑皮。火乾。蜀大黃。乃作紫片。如牛舌形。謂之牛舌大黃。二者功用相等。江淮出者。曰土大黃。二月開花。結細實。禹州出一種羊蹄大黃。治疥癢甚効。初生苗葉如羊蹄。累年長大。即葉似商陸而狹長。四月內抽條。出穗五七莖。相合。花葉同色。結實如蕎麥而輕小。五月熟。即黃色。呼爲金蕎麥。九月採根破之。亦有錦文。亦呼爲土大黃。俗呼山大黃。弘景曰。大

黃其色也。杲曰：推陳致新，如戡定禍亂，以致太平，所以有將軍之號。

氣味苦寒無毒。○主治下
瘀血，血閉，寒熱，破癥，瘕積，
聚留，飲宿，食蕩，滌腸，胃推
陳致新，通利水穀，調中化
食，安和五臟。○平胃下氣，
除痰，實腸，間結熱，心腹脹，
滿，女子寒血，閉脹，小腹痛，
諸老血，留結。○通經利水，
腫大小腸，貼熱腫毒，小兒
寒熱時疾，煩熱，蝕膿。○瀉
諸實熱，不通，除下焦濕熱，
消宿食，瀉心下痞滿。

大黃本經下品



今人以莊浪出者為優，
莊浪即古涇原隴西地。

修治大黃用文如水旋斑緊重者酒浸透蒸九遍剉片晒乾用
藏器曰凡用有蒸有生有熟不得一槩用之

大黃塊大難乾作時燒石熱橫寸截著石上燻之一日微燥乃
以樹枝條或繩穿眼繫之至乾故大黃有穿眼也山大黃塊
小無穿眼堪為末傳腫毒染房家亦多用之

別錄曰大黃大寒

元素曰氣味俱厚沉而降陰也酒浸入太陽經酒洗入陽明經

餘經不用酒

黃芩為之使忌冷水惡乾漆○凡胃寒血虛并妊娠產後並勿

輕用

日華子云通宣一切氣調血脈利關節泄壅滯水氣四肢冷熱

不調溫瘴熱疾利大小便并傳一切癰腐癰毒

梅師方治卒外腎偏腫疼痛大黃為末和醋塗之乾即易之

大黃使

黃芩 始生藁城平澤及田野今京東陝西河北州郡皆不之曹

州者尤勝。初春生。苗似薺。莖高六七寸。根白。枝莖俱青。花黃。結
角。子黃細。立夏後採。實暴乾。月令孟夏之月。靡草死。即此也。醫
學入門曰。葶定也。麤瀝也行也。能定肺喘而行水。故名葶。葶

葶。子氣味辛寒無毒。

主治癥瘕積聚結氣飲食

寒熱破堅逐邪通利水

道。下膀胱水伏留熱

氣皮問和水上出面目

浮腫身暴中風熱癰瘡

利小腹久服令人虛。

療肺壅上氣欬止喘

促除胸中痰飲。通月

經

葶。木經下品



修治以糯米相合於燠上微焙待米熟去米搗用
宗夔曰葶藶有甜苦二種其形則一也經既言味辛苦即甜者
不復更入藥也大槩治體皆以行水走泄為用故曰久服令
人虛蓋取苦泄之義藥性論不當言味酸

別錄曰苦大寒 呆曰沉也陰中陽也

榆皮為之使得酒良惡白殭蠶石龍芮宜大棗

河東裴氏傳經効治水腫及暴腫葶藶三兩杵六千下令如泥
即下漢防已末四兩取綠頭鴨就藥臼中截頭瀝血于臼中
血盡和鴨頭更搗五千下丸如梧桐子患甚者空腹白湯下
十九粒者五丸頻服五日止此藥利小便有効如神 臣

桔梗

始生嵩高山谷及宛句今在處有之根如指大黃白色春

生苗莖高尺餘葉似杏葉而長隨四葉相對而生嫩時亦可煮
食夏開小花紫碧色頗似牽牛花秋後結子二月八月採根暴

乾此草之根。結實而梗直。故名桔梗。

氣味辛微温有小毒

主治胃脇痛如刀刺腹滿腸鳴幽幽驚恐悸氣○利五臟腸胃
補血氣除寒熱風痺温中消穀療咽喉下蠱毒○治下痢破
血積氣消聚痰涎去肺熱氣促嗽逆除腹中冷痛主中惡反
小兒驚癇○下一切氣止霍亂轉筋心腹脹痛補五勞養氣
除和辟温破癥瘕肺癰養血排膿補內漏及喉痺○利竅除
肺部風熱清利頭目咽嗑胃膈滯氣及痛除鼻塞○治寒嘔
主口舌生瘡赤目腫痛

桔梗 本經下品 根直色白有心



修治去頭上尖硬二三分已來米泔水浸一宿切片微炒用

節皮為之使畏白及龍膽草忌豬肉

好古曰桔梗氣微温味苦辛味厚氣輕陽中之陰升也入手太

陰肺經氣分及足少陰經

初虞古今錄驗治中蠱下血如雞肝晝夜出血石餘四臟皆損

惟心未毀或鼻破將死者苦桔梗為末以酒服方寸七三服

不能下藥以物拘口灌之心中當煩須臾自定七日止當食

猪肺肝補之神良一方加犀角等分

桔梗臣

狼岩子始生海濱川谷及雍州今處處有之苗莖高二三尺葉

似地黃王不留行紅藍等而三指闊四月開花紫色苗莖莖有

白毛五月結實有殼作罌子狀如小石榴房中子至細青白色

如米粒五月採子陰乾其子服之令人狂浪放蕩故名狼岩子

一名天仙子。因治牙痛獲效。俗呼牙疼子。

氣味苦寒有毒

主治：齒痛、出蟲、肉痺、拘急、久服、輕身、使人健行、走及奔馬、強志、益力、通神、見鬼、多食、令人狂走、療癩、狂風、癩顛、倒拘、攣、安、心、定、志、聰、明、耳、目、除、和、逐、風、變、白、主、瘰、癧、取、子、洗、晒、隔、日、空、腹、水、下、一、指、捻、亦、可、小、便、浸、令、泣、盡、暴、乾、如、上、服、勿、令、子、破、破、則、令、人、發、狂、炒、焦、研、末、治、下、部、脫、肛、止、冷、痢、主、蛙、牙、痛、咬、之、蟲、出、燒、熏、蟲、牙、及、洗、陰、汗

修治：苋蓉子本經下品。頭醋一盞，煮乾為度，却用黃牛乳浸一宿，至明日乳汁黑，即是真者，晒乾，搗重篩用之。



子小而扁，青白色，誤服之，衝人心大煩，悶眼生暈。

中食若子毒綠豆汁并草升麻犀角並能解之

李時珍曰蓂莈之功未見如其說而其毒有甚焉。藁一二日而芽尤生其為物可知矣。蓂莈實防葵赤商陸皆能令人狂惑見鬼者昔人未有發其義者蓋此類皆有毒能使癡迷心竅蔽其神明以亂其視聽故耳。唐安祿山誘奚契丹飲以蓂莈酒醉而坑之又嘉靖四十二年二月陝西遊僧武如香挾妖術至昌黎縣民張柱家見其妻羨設飯間呼其全家同坐將紅散入飯內食之少頃舉家昏迷任其奸污復將魘法吹入柱耳中柱發狂惑見舉家皆是妖鬼盡行殺死凡一十六人並無血迹官司執柱囚之十餘日柱吐痰二椀許問其故乃知所殺者皆其父母兄嫂妻子姊妹也柱與如香皆論死世宗肅皇帝命榜示天下觀此妖藥亦是蓂莈之流爾方其癡迷之時視人皆鬼矣解之法可不知乎

必效方治牙齦宣落風痛蓂莈子末綿裹咬之有汁勿嚥

妖履花

始生平澤川谷今所在有之二月已後生苗多近水傍。

高一二尺已來。葉如柳莖。細。六月開花如菊花。小銅錢大。深黃色。俗呼六月菊。本草綱目名夏菊。上黨田野人呼爲金錢花。本經載名金沸草。皆因花狀而名也。爾雅云。覆盜庚也。蓋庚者。金也。謂其夏開黃花。盜竊金氣也。宗奭曰。花緣繁茂圓而覆下。故曰旋覆花。

氣味鹹溫。有小毒。○主治結氣。脇下滿。驚悸。除水。去五臟間寒熱。補中下氣。○消胸上痰結。唾如膠。漆心。胸痰。水腫。膀胱。留飲。風氣。濕痺。皮間死肉。目中眵。臍利。大腸通血。脉益色澤。○主水腫。逐大腹。開胃止嘔逆。不下食。行痰水。去頭目風。



修治旋覆花去裏花葉殼皮并蒂子蒸之曬乾任用

別錄曰其微溫冷利大明曰無毒

經驗方治中風壅滯旋覆花洗淨焙研煉蜜丸梧桐子大夜臥以茶湯下五九至七九十九

藜蘆始生太山山谷今所在山谷皆有之三月生苗葉似初出

樓心又似車前莖似葱白青紫色高五六寸上有黑皮累莖似樓皮有花肉紅色根似馬腸根長四五寸許黃白色二月三月採根陰乾本草綱目曰黑色曰藜其蘆有黑皮累之故名藜蘆根際似葱故別錄一名山葱一名葱茨本經名葱菹吳普本草名葱葵北人謂之葱葱均人謂之鹿葱俗名葱管藜蘆

藜蘆氣味辛寒有毒

主治蠱毒欬逆洩痢腸澼頭瘍疥癢惡瘡殺諸毒去死肌○
療歲逆喉痺不通鼻中息肉馬刀爛瘡不入湯用○主上氣
去積年膿血泄痢○吐上膈風涎暗風癇病小兒鰕鞣痰疾
○末治馬疥癬

藜蘆
本經
下品



外黑皮似棕

俗謂之蒜藜蘆



修治宜用蔥管者去頭用糯米汁煮之晒乾用
黃連為之使反細辛芍藥人參沙參紫參丹參苦參惡大黃畏
蔥白服之吐不止飲蔥湯即止

聖惠方治身面黑痣。藜蘆灰五兩水一大椀。淋灰汁于銅器中。重湯煮成黑膏。以針微刺破痣點之。不過三次神驗。

射

夜音

下

始生南陽山谷田野。今所在有之。人家庭砌間亦多種。植春生苗。高一二尺。葉似蠻薑而狹長橫張。踈如鳥羽及扇蒲之狀。故本經名烏扇。名烏蒲。別錄名烏翳。名草薑。土宿本草名鬼扇。名仙人掌。本草拾遺名鳳翼。本草綱目名扁竹。皆因其形相似也。葉中抽莖。似萱草莖而強硬。六月開花黃紅色。瓣上有白文。秋結實作房。中子黑色。根多鬚。皮黃黑。肉黃赤。三月三日採根。乾。頌曰。射干之形。莖便踈長。正如射人之執竿者得名。

由此爾。而陶氏以夜音爲疑。蓋古字音多通呼。若漢官僕射主射事。而亦音夜。非有別義也。

根氣味苦平有毒

主治欬逆上氣喉痺咽痛不得消息散結氣腹中邪逆食飲大

熱○療老血在心脾問欬噦言語氣臭散胃中熱氣○苦酒

摩塗腫毒○治疰氣消瘀血通女人月閉○消痰破癥結胃

膈滿腹脹氣喘痿癰開胃下食鎮肝明目○治肺氣喉痺烏

佳○去胃中癰瘰○利積痰疔毒消結核○降實火利大腸

治瘡母

修治射干先以米泔水浸一宿漉出然後以篋竹葉煮之日乾

任用

別錄曰微溫久服令人虛保昇曰微寒權曰有小毒元素曰苦

陽中陰也

時珍曰射干能降火故古方治喉痺咽痛爲要藥

袖珍方治喉腫痛射干花根
山豆根為末吹之如神


葉如鳥翅根多白赤黃色

射干
本經
下品

普濟方治二便不通紫花扁

竹根研汁一盞服即通

本草綱目云射干即今扁竹今人所種多是紫花者呼為紫蝴蝶
蝶三四月開花大如萱花結房大如指一房四隔一隔數子
紫色咬之不破七月始枯陶弘景謂射干為尾是一種蘇恭
陳藏器謂紫碧花者是為尾紅花者是射干韓保昇謂黃花
者是射干蘇頌謂花紅黃者是射干花白者亦射干之類朱
飛亨謂紫花者是射干紅花者非各執一說何以憑依謹按



本草原始

草部

三卷十三

張揖廣雅云鳶尾射干也易卦通驗云冬至射干生土宿真君本草云射干即扁竹葉扁生如側手掌形莖亦如之青綠色一種紫色一種黃色一種碧花多生江南湖廣川浙平陸間八月取汁煮椎黃伏雌黃制丹砂能拒火據此則鳶尾射干本是一類但花色不同正如牡丹芍藥菊花之類其色各異皆是同屬也大抵入藥功不相遠

射干使

常山

生益州山谷及漢中。今京西淮浙湖南州郡亦有之。葉似

茗而狹長。兩兩相當。莖圓有節。三月生紅花青萼。五月結實青圓。三子為房。苗高者不過三四尺。根似荊黃色。而海州出者葉似楸葉。八月有花紅白色。子碧色。似山楝子而小。八月採根陰乾。始產常山故名。

氣味苦寒有毒

主治傷寒寒熱發溫瘧鬼毒胸中痰結吐逆○療鬼蠱往來

水服洒洒惡寒鼠瘻○治諸瘡吐痰涎治項下瘤癭


常山本經下品

蜀漆根也

色褐多刻俗呼金剛骨市每充常山

真

假



常山擇如雞骨色如鴉子黃色者佳

修治以酒浸一宿漉出細剉日乾槌搗用近時有以酒浸蒸熟

酒拌炒熟用亦不甚吐人

別錄曰辛微寒柄曰得甘草吐瘡之才曰畏玉札大明曰忌葱

菜菘菜伏砒石 老人久病切忌服之

養生主論王隱者驅瘴湯常山酒萸晒乾草果知母貝母各錢

半水鍾半煎半熱五更熱服渣以酒浸發前服奇效不能盡

述切勿加減萬無一吐者



始生中山川谷。今陝西江東亦有之。或云京西出者最佳。汁滄吳者次之。苗似澤漆。莖短小而葉有汁。根皮赤肉白。味連珠實重者良。二月採根陰乾。或曰甘者藥之味。遂者田溝行水之道。此藥專于行水攻決。故名甘遂。

氣味苦寒有毒

別錄曰甘大寒

主治大腹疝瘕。腹滿面目浮腫。留飲宿食。破癥堅積。聚利水。殺道。○下五水。散膀胱多熱。皮中痞熱。氣腫滿。○能瀉十二種水疾。去痰水。○瀉腎經及隧道。水濕脚氣。陰囊腫墜。痰速癩癩。噎膈痞塞。

甘遂本經下品



皮黃



連珠實重者良



修治其遂以麩包煨熟以去其毒用
元素曰純陽也之才曰瓜蒂為之使惡遠志反甘草 勿輕用

白欵

始生衡山山谷今江淮州郡及荆襄懷孟商齊諸州皆有

之。二月生苗。多在林中。作蔓。赤莖。葉如小桑。五月開花。七月結實。根似天門冬。一株下有十許。二月八月採根破片暴乾。根皮赤黑肉白。惟欵瘡方多用之。故名白欵。

皮黑色近肉皮紅色

內肉白色

白欵氣味苦平無毒別錄曰其微寒
主治癰腫疔瘡散結氣止痛除熱目
中赤小兒驚癇濕瘡女子陰中腫
痛帶下赤白○殺火毒○治發背
癩癧面上疔瘡腸風痔漏血痢刀
箭瘡撲損生肌止痛○解狼毒毒



本經
下品

白欵形

白歛伐赭為之使反烏頭一種赤歛花實功用皆同表裏俱赤
談望翁方治耳凍成瘡白歛黃柏為末生油調搽 白歛使

青箱子

始生平谷道旁今江淮州郡近道亦有之二月內生青

苗長三四尺葉濶似柳而軟莖似蒿青紅色六月七月內生花
上紅下白子黑光而扁似蒼蒼子六月八月採子醫學入門曰
箱囊篋也藥雖微而治眼之功大青囊中不可缺也故名青箱
子其花葉似雞冠故綱目名野雞冠其子明目與决明子同功

故本經名草决明。

子氣味苦微寒無毒

主治唇口青○治五臟邪氣益腦髓鎮肝明目堅筋骨去風寒

濕痺○治肝臟熱毒衝眼赤瘡青盲翳腫惡瘡疥瘡

三國志云魏

畧初平中有

青牛先生常

服青箱子年

如五六十歲

者人或識之

謂其已百歲

有餘爾

青箱子

本經下品

子用

即野雞冠



夏

始生北山川谷。又寃句及越山。今江淮河陝漢黔諸州皆有之。春生苗長一尺許。似栴櫚及藜蘆。三四月生一莖。開紫花。七月實熟。黃黑色。冬凋根似菱。有三角。角端生芽。二月八月採。

根。其根白色連及而生。故曰白及。一名連及草。

白及氣味苦平無毒

主治癰腫惡瘡敗疽傷陰死肌胃中和氣賊風鬼擊痲緩不收
除白癬疥蟲結熱不消陰下痿面上疔皰令人肌滑○止驚
疔血疔血疔痢疾風痺赤眼癥結溫熱瘡疾發背瘰癧腸風
痔瘻撲損刀箭湯火瘡生肌止痛○止肺血

白及
本經
下品



作糊極粘研朱甚妙

呆曰苦甘微寒性瀋陽中之陰也之才曰紫石英為之使惡理
石畏李核杏仁反烏頭
按洪邁夷堅志云台州嶽吏憫一囚囚感之因言吾七次犯死
罪遭訊拷肺皆損傷至于嘔血人傳一方只用白及為末米

飲日服其效如神後其因凌遲創者剖其胸見肺間竅穴數十處皆白及填補色猶不變也
經驗方治鼻衄不止津調白及末塗山根上立止

大戟

澤漆根也。始生常山。今近道有之。春生紅芽。漸長作叢。高一尺已來。葉似初生楊柳小團。三月四月開黃紫花。團圓似杏花。又似蕪荑。根似苦參。皮黃黑肉黃白色。秋冬採根陰乾。淮南出者。莖圓高三四尺。花黃。葉至心亦如百合苗。江南生者。葉似芍藥。北方綿大戟。根皮柔韌如綿。本草綱目曰。其根辛苦。戟人咽喉。故名大戟。今俚人呼爲下馬仙。言利人甚速也。

大戟氣味苦寒有小毒
主治蠱毒十二水腹滿急痛積聚中風皮膚疼痛吐逆○頭眩

癰腫頭痛發汗利大小便○瀉毒藥泄天行黃病溫瘧破癥
結○下惡血癖塊腹內雷鳴通月水墮胎孕○治癰瘡風及
風毒脚腫並煮水日日熱淋取愈

本經紅芽大戟形
下品



杭州紫大戟為上江南土大戟次之
綿大戟形皮黑肉白比紫大戟更峻利傷人



修治以漿水煮之晒乾剉用
元素曰苦甘辛陰中微陽瀉肺損真氣之才曰及甘草用管蒲

解之恭曰畏菖蒲蘆葦鼠屎大明曰赤小豆為之使惡暑積
李絳兵部手集方療水病無問年月淺深雖腹脹惡亦主之大
戟當歸橘皮各一两切以水二升煮取七合頓服利下水二
三升勿怪至重者不過再服便瘥禁毒食一年永不復作

貫衆

始生玄山山谷及宛句少室山今陝西河東州郡及荆襄
間多有之而少有花者春生苗赤葉大如蕨莖幹三稜葉綠色
似雞翎圖經名鳳尾草根紫黑色形如大瓜下有黑鬚毛又似
老鷓故別錄名草鷓頭根一本而衆枝貫之故名貫衆本經一
名貫節一名貫渠一名百頭吳普本草名貫中俗作貫仲管仲
皆謬稱也

貫衆氣味苦微寒有毒

貫衆本經下品

象鴉頭

主治腹中邪熱氣諸毒殺三蟲
去寸白破癥瘕除頭風止金瘡
為末水服一錢止鼻血有效治
下血崩中帶下產後血氣脹痛
修治或火燒存性或生用各隨方法之才曰瞿菌赤小豆為之

使伏石鍾乳

集簡方治女人血崩貫衆半兩酒煎服之立止

貫衆使



楚蜀山箐中甚多蔓生如蓴莖有細點其葉頗類大竹

葉而質厚滑如瑞香葉長五六寸其根狀如菴蕒而圓大若雞
鴨卵連綴而生遠者離尺許近或數寸其肉軟可生啖有赤白
二種白者入藥良昔禹行山乏食采此充糧而棄其餘故本草



根 紫色



拾遺名草禹餘糧。故今尚有仙遺糧冷飯團之名。亦其遺意也。


土茯苓氣味甘淡平無毒

主治食之當穀不飢調中止澁健行不睡。○健脾胃強筋骨去風濕利關節止泄瀉治拘攣骨痛惡瘡癰腫解汞粉銀朱毒。

土茯苓形

土象色茯苓象形

新增



肉有赤白皮俱赤黃
肉軟味甜

弘治正德間因楊梅瘡盛行率用輕粉藥取效毒留筋骨潰爛終身至人用此遂為要藥諸醫無從考正往往指為草薺及菝葜然其根苗迥然不同宜參考之但其功用亦頗相近蓋亦草薺菝葜之類也。

楊梅瘡古方不載亦無病者近有淫和之人病此毒瘡今醫家有搜風解毒湯病深者服月餘愈病淺者服半月愈服輕粉藥筋骨攣痛癱瘓不能動履者服之亦效其方用土茯苓一兩薏苡仁金銀花防風木瓜白鮮木通各五分皂莢子四分氣虛加人參七分血虛加當歸七分水二大盃煎飲一日三服惟忌飲茶及牛羊雞鰾魚肉燒酒法麩房勞蓋秘方也

何首烏

本出順州南河縣嶺外江南諸州亦有今在處有之以

西洛嵩山及南京柘城縣者為勝春生苗葉葉相對如山芋而不光澤其莖蔓延竹木牆壁間夏秋開黃白花似蜀勒花結子有稜似蕎麥而細小纒如粟大秋冬取根大者如拳各有五稜瓣似小甜瓜有赤白二種赤者雄白者雌此藥本名交藤因何

首烏服而得名也。

氣味苦澁微溫無毒

主治瘰癧消癰腫療頭面風瘡治五痔止心痛益血氣黑鬚髮
悅顏色久服長筋骨益精髓延年不老亦治婦人產後及帶
下諸疾○久服令人有子治腹臟一切宿疾冷氣腸風○瀉
肝風 形有長圓大小俱有稜

何首烏宋開寶一名陳知白
何首烏傳一名交藤一名夜
合一名地精 斗門名赤葛
綱目名馬肝石一名九真藤



雄者
肉淺紅
雌者
肉淡白

何首烏者順州南河縣人祖名能嗣父名延秀能嗣本名田兒
生而闔弱年五十八無妻子常慕道術隨師在山一日醉臥
山野忽見有藤二株相去三尺餘苗蔓相交久而方解了

又交田兒驚訝其異至旦遂掘其根歸問諸人無識者後有
山老忽示之答曰予既無嗣其藤乃異此恐是神仙之藥
何不服之遂杵為末空心酒服一錢服數月似強健因此常
服又加二錢服之經年舊疾皆痊髮烏容少數年之內即有
子名延秀亦服是藥皆壽百六十歲延秀生首烏首烏亦服
是藥生數子年百三十歲髮猶黑

明

州刺史李遠傳錄經驗何首烏所出順州南河縣韶州潮州
恩州賀州廣州潘州及嶺南四會縣者為上邕州桂州康州
春州勤州高州循州晉興縣出者次之真仙草也五十年者
如拳大號山奴服之一一年髮鬢青黑一百年者如盃大號山
哥服之一一年顏色紅悅一百五十年如盆大號山伯服之一
齒落重生二百年如斗栲栳大號山翁服之一一年顏如童子
行及奔馬三百年如三斗栲栳大號山精服之一一年延齡純
陽之體久服成地仙

何首烏茯苓為之使忌諸血無鱗魚菜蕪蒜蔥鐵器
嘉靖初邵應節真人以七寶羨髯丹方上進

世宗肅皇帝服餌有效連生

皇嗣於是何首烏之方天下大行宋懷州知州李治與一武官同官怪其年七十餘而輕健面如渥丹能飲食叩其術則服何首烏丸也乃傳其方後得病盛暑中半體無汗已二年竊自憂之造丸服至年餘汗遂浹體其活血治風之功大有補益其方用赤白何首烏各半斤米泔浸三夜竹刀刮去皮切焙石臼為末煉蜜丸梧子大每空心溫酒下五十九丸亦可末服

商陸 始生咸陽山谷今處處有之多生於人家園圃中春生苗

高三四尺葉青如牛舌而長莖青赤至柔脆夏秋開紅紫花作朵根如蘆根而長八月九月採根暴乾爾雅謂之遠蕒廣雅謂之馬尾易經謂之萈陸開寶謂之白昌本經謂之夜呼圖經謂

之章柳。或云此草多當陸路而生。故一名當陸。

根氣味辛平有毒

主治水腫疝瘕痺戩除癰腫殺鬼精物○療胸中和氣水腫痿痺腹滿洪直疏五臟散水氣○瀉十種水喉痺不通薄切醋炒塗喉外良○通大小腸瀉蠱毒墮胎協腫毒傳惡瘡

大明曰白者苦冷得

商陸本經下品 入藥用根

大蒜良赤者有毒能
伏礪砂砒石雌黃拔
錫 杲曰陽中之陰
恭曰赤者但可貼腫
服之傷人痢血不已
殺人令人見鬼神
張仲景曰商陸以水
服殺人



修治取花白者根銅刀刮去皮薄切以東流水浸兩宿漉出架
甑蒸以黑豆葉一重商陸一重如此蒸之從午至亥取出去
豆葉暴乾剉用無豆葉以豆代之
古讚商陸云其味酸辛其形類人療水貼腫其效如神 使

威靈

始出商州上洛山及華山并平澤今陝西河東河北汴

東江湖州郡皆有之初生比衆草最先莖如釵股四稜葉如柳
葉作層每層六七葉如車輪有六層至七層者七月內生花六
出淺紫或碧白色作穗似蕭臺子亦有似菊花頭者實青色根
稠密多鬚長者二尺許初時黃黑色乾則黑色俗呼鐵角威靈
仙本草綱目云威言其性猛也靈仙言其功神也

氣味苦溫無毒

主治諸風宣通五臟去腹內冷滯心膈痰水久積癥瘕瘵癖氣塊膀胱宿膿惡水腰膝冷疼療折傷久服無溫疫瘡○推新舊積滯消胃中痰噎散皮膚大腸風邪

威靈仙宋開寶



九月末至十二月採根陰乾餘月並不堪採
元素曰味其純陽入太陽經呆曰可升可降陰中陽也
惡茶及麩湯根性快多服疏人五臟真氣弱者不可服
先時商州有人患重足不履地數十年良醫禪技莫能療親置
之道傍以求救者遇一新羅僧見之告曰此疾一藥可活但
不知此土有否因為之入山求索果得乃威靈仙也遣服數
日平復

千金方治腰脚痛威靈仙為末空心溫酒調下一錢逐日以微利為度

牽牛子處處有之。二月種子。三月生苗作藤蔓。蔓透籬牆。高者或二三丈。其葉青有三尖角。七月生花微紅帶碧色。似鼓子花而大。八月結實。外有白皮裹作毬。每毬內有子四五枚。與棠棣子核一樣。有黑白二種。九月後收之。陶隱居云。此藥始出田野。人牽牛易藥。故以名之。今人隱其名。黑者為黑丑。白者為白丑。蓋以丑屬牛也。

氣味苦寒有毒

主治下氣療脚滿水腫除風毒利小便○治痰癖氣塊利大小

便除虛腫○取腰痛下冷膿瀉毒藥并一切氣壅滯○和
山茱萸服去水病○除氣分濕熱三焦壅結○逐痰消飲通
大腸氣祕風祕殺蟲違命門落胎

牽牛子

黑者屬
水力速

白者屬
金力遲

九月
采子

別錄下品

大明曰味簽得青木香乾薑良 果曰辛熱雄烈泄人元氣

海藏曰以氣藥引之則入氣以黃引之則入血羅謙甫云味

辛辣瀉人元氣非濕勝氣不得施化以致便閉腫滿不可輕

用虛者猶宜慎之况濕病根在下焦血分飲食勞倦亦皆血

分受病如用辛辣瀉上焦太陰之氣是血病瀉氣俾氣血俱

病也可不慎與

修治牽牛碾取頭末或炒取頭末亦有半生半熟用者

生編治小兒夜啼黑牽牛末一錢水調傅臍上即止 使

今在處有之夏生苗葉似葎草而厚大莖有赤有白如

其蕨高丈餘。秋生細花。隨便結實。殼上有刺。內子似巴豆。有黃黑斑點。狀如牛蠅。故名。

氣味辛平。有小毒。

主治水瘰。以水研二十枚服之。吐惡沫。加至三十枚。三日一服。瘰癧則止。又主風虛寒熱。身體瘡痒。浮腫尸疰。惡氣。榨取油塗之。○研傅瘡癩疥癩。塗手足心。催生。○治瘰癧。取子炒熟。去皮。臨臥嚼服。二三枚。漸加。至十數枚。有效。○主偏風不遂。口眼喎斜。失音。口噤。頭風耳聾。舌脹。喉痺。胸喘。脚氣。毒腫。丹瘤。湯火傷。鍼刺人入肉。女人胎衣不下。子腸。挺出。開通。關竅。經絡。能止諸痛。消腫。追膿。拔毒。

蓖麻子唐本草

正



背



斑紅者佳

修治以鹽湯煮半日。去皮取仁。研用。熟油可調印色。綱目云。凡服蓖麻者。一生不得食炒豆。犯之必脹死。

崔元亮海上集驗方治難產及胎衣不下取蓖麻子七粒去殼研膏塗脚心若胎及衣下便速洗去不爾腸出即以此膏塗頂則腸自入也

一人病手臂一塊腫痛用蓖麻仁搗膏貼之一夜而愈一人病氣鬱偏頭痛用此同乳香食鹽搗煖太陽穴一夜痛止一婦產後子腸不收搗仁貼丹田一夜而上此藥外用屢奏奇功但內服不可輕率爾或言搗膏以筋點于驚馬六畜舌根下即不能食或點肛內即下血死其毒可知



生平澤今處處有之苗起數莖每莖端六七葉高一尺

許結實作包稍如鼠尾根比芋而圓肌細膩且白炮之易裂本經云葉似蒟蒻兩枝相抱五月開花似蛇頭黃色六月結子作穗似石榴子紅色根似芋而圓是虎掌非南星也然南星多生

南方根圓如星故以名之。

氣味苦溫有大毒○主治心痛寒熱結氣積聚伏梁傷筋痿拘
緩利水道○除陰下濕風眩○主疝瘕腸痛傷寒時疾強陰
○主中風麻痺除痰下氣利膈攻堅積消癰腫散血墮胎
○金瘡折傷瘀血搗傅之○去上焦痰及眩運○主破傷風
口噤身強○補肝風虛治痰功同半夏○治驚癇口眼喎斜
喉痺口瘡結核解顛

天南星
宋開寶




莖葉搽蝎螫止痛

根圓白

二月八月採根

虎掌
本經
下品



两枝相抱

花如蛇頭

虎掌根蒟蒻根皆似天南星人雜採以為南星清賣了不可辨
火炮易裂者是南星火炮之不裂者是虎掌蒟蒻也
虎掌南星根極相似葉迥然不同而功效相近古人通用之故
頌曰天南星即本經虎掌也
修治去皮臍入器中湯浸五七日日換三四遍洗去涎暴乾用
或火炮裂用或以皂莢白礬薑煮過用
造膽星法以南星生研末臘月取黃牯牛膽汁和納入膽中繫

懸風處乾之年久者彌佳方書謂之牛膽商星

杲曰苦辛有毒陰中之陽可升可降乃肺經之本藥

之才曰蜀漆為之使惡莽草大明曰畏附子乾薑生薑

時珍曰得防風則不麻得牛膽則不燥得火炮則不毒生能伏

惟黃州砂焰峭

經驗方治急中風日暝口噤無門下藥者開關散用天南星為

末入白龍腦等分五月五日午時合之每中指點末搯齒

三二十遍搯大牙左右其口自開

篇竹始出東萊山谷今在處有之春中布地生道傍故方士呼

為道生草苗似瞿麥葉細綠如竹故陶注本草謂之篇竹赤莖

如釵股節間有粉故本草綱目謂之粉節草花出甚細微青黃

色亦有紅色者四月五月采苗陰乾詩衛風云綠竹猗猗或云

爾雅王芻即此也。俗呼豬牙草。

氣味苦平無毒

主治浸淫疥癩疽痔殺三蟲○療女子陰蝕○煮汁飲小兒療
蚘蟲有驗○治霍亂黃疸利小便小兒疳病

篇蓄本經下品

生生編治熱淋瀝痛

篇蓄煎湯頓飲

海上歌云心頭急痛

不能當我有仙人海

上方篇蓄醋煎通口

嚙管教時刻便安康

篇蓄使



猥毒

始生秦亭山谷及奉高。今陝西州郡及遠石州亦有之。苗

葉似商陸及大黃。莖葉上有毛。四月開花。八月結實。根皮黃肉白。二月八月採根陰乾。能殺飛鳥走獸。故曰狼毒。

氣味辛平有大毒

主治欬逆上氣破積聚飲食寒熱水氣惡瘡鼠癩疽蝕鬼精蟲

毒殺飛鳥走獸○除胸下積僻○治痰飲癥瘕亦殺鼠○合

野葛納耳中治聾

狼毒本經下品

共麻黃橘皮吳茱萸

半夏枳實是為六陳


共南星半夏川烏草

烏是為五毒

圖經曰狼毒陳而沉水者良今市賣者有全根有截成片子者

入水皆不沉

志曰陶云沉者是很毒浮者是防葵此不足為信假使防葵秋



根

狼毒
切片
內有
黃紋

冬采者堅實得水皆沉。狼毒春夏采者輕浮得水皆浮。且二物全別不可比類。

之才曰大豆為之使。宜醋炒惡麥句薑畏。占斯蜜佗僧。蘭氏經驗方治乾濕蟲疥。狼毒為末以豬油或馬油調搽。方睡

勿以被蒙頭使藥氣傷面也。

狼毒使

狼毒是真者皆可用不必沉水

猪獃


處處有之。春生苗。葉似蒼耳。兩枝相對。莖圓有毛。秋開小

花深黃色。中有子如同蒿子。外萼有細刺。五月六月採。葉日乾。此草多生江東。彼土人呼猪為猪。呼臭為猪。因其氣類。故以為名。唐本草名猪膏母。名虎膏。名狗膏。皆因其氣似及治虎狗傷也。救荒本草名粘糊菜。因其嫩苗可食也。俗呼火杖草。

氣味苦寒有小毒

主治熱蠱煩滿不能食生瘡消浮腫搗封之湯漬散傳並良○主金瘡
止痛斷血生肉除惡瘡消浮腫搗封之湯漬散傳並良○主
久瘡痰癢搗汁服取吐搗傳虎傷狗咬蜘蛛咬蠶咬蠹咬
瘡○治肝腎風氣四肢麻痺骨痛膝弱風濕諸瘡

稀發唐本草
諸說皆云性寒
有小毒惟文州
及高郵州云性
熱無毒服之補
益安五臟生毛
髮兼主風濕瘡
肌肉頑痺婦人
久冷尤宜用



五月五日
六月六日
七月七日
九月九日
採葉

按江陵府節度使成訥進稀發丸方臣有第訐年三十一中風
床枕五年百醫不差有道人鍾針者因觀此患曰可餌稀發
丸必愈其藥多生沃壤高三尺許節葉相對其葉當夏五月
已來收每去地五寸翦刈以溫水洗泥土摘其葉及枝頭九
蒸九暴不必大燥但取蒸為度仍熬搗為末丸如桐子大空
心溫酒或米飲下二三十丸服至二千丸所患忽加不得憂
慮是藥攻之力服至四千丸必得復故五千丸當復丁壯臣
依法修合與訐服果如其言鍾針又言服後須喫飯三五匙
壓之五月五日採者佳奉宣付醫院詳錄

馬鞭草

今衡山廬山江淮州郡皆有之春生苗似狼牙及堯蔚。

抽三四穗紫花似車前穗類鞭草故名馬鞭。

苗葉氣味苦微寒無毒

主治下部腫瘡○癥瘕血瘕久瘡破血殺蟲搗爛煎取汁熬如

飴每空心酒服一七○治婦人血氣肚脹月候不勻通月經
治金瘡行血活血○搗塗癰腫及蠟螫尿瘡男子陰腫

開細紫花作穗

不莖

馬鞭草
別錄下品



葉類菊對生

七月八月採

集驗方治男子陰腫大如升核痛人不能治者搗馬鞭草塗之
仙茅始生西域及大庾嶺。今蜀川江湖兩浙諸州亦有之。葉青
如茅而軟且畧闊。面有縱文。又似椶櫚。至冬盡枯。春生乃生三

月有花如梔子花黃色不結實其根獨莖而直傍有短細根相附肉黃白外皮稍麓褐色二月八月採根暴乾梵音呼爲阿輪勒陁始因西域婆羅門僧獻方於唐玄宗故今江南呼爲婆羅門參言其功補如人參也珣曰其葉似茅久服輕身故名仙茅。

仙茅氣味辛溫有毒

主治心腹冷氣不能食腰脚風冷攣痺不能行丈夫虛勞老人失溺無子益陽道久服通神強記助筋骨益肌膚長精神明目○治一切風氣補煖腰脚清安五臟久服輕身益顏色丈夫五勞七傷明耳目填骨髓○開胃消食下氣益房事不倦

仙茅宋開寶



修治仙茅以竹刀刮切糯米淋浸去赤汁出毒後無妨護按續傳信方叙仙茅云主五勞七傷明目益筋力宣兩後補
本西域道人所傳開元元年婆羅門僧進此藥明皇服之有
效當時禁方不傳天寶之亂方書流散上都上空三藏始得
此方傳與李勉司徒路嗣恭尚書齊抗給事張建封僕射服
之皆得力路公久服金石無效其得此藥其益百倍齊給事
守縉雲日少氣力風癩繼作服之遂愈八九月時採得竹刀
刮去黑皮切如豆粒米淋浸兩宿陰乾搗篩熟蜜丸如梧子
每旦空肚酒飲任使下二十九禁食牛乳及黑牛肉大減藥
力也續傳信方為唐筠州刺史王頰所著皆因國書編錄其
方當時盛行故今江南但呼此藥為婆羅門參
仙茅勿犯鐵班人鬚鬚

守空草

始生江南今河中府孟州漢中亦有之春生苗莖似

艾蒿。上有四稜。高三二尺已來。葉青似柳。四月開碎小黃白花。


七月結實似稗而細。一莖上有數穗互生。根淡紫色似藜苳。六月七月采苗及花子通用。按李延壽南史云。宋高祖劉裕小字寄奴。微時伐荻新州。遇一大蛇射之。明日往聞杵臼聲。尋之見童子數人皆青衣於榛林中搗藥。問其故。答曰。我主爲劉寄奴所射。今合藥傳之。裕曰。神何不殺之。曰。寄奴王者不可殺也。裕叱之。童子皆散。乃收藥而反。每遇金瘡。傅之即愈。人因稱此草爲劉寄奴草。

氣味苦溫無毒

主治破血下脹多服令人痢○下血止痛治產後餘疾止金瘡

血極效○心腹痛下氣水脹血氣通婦人經脉癥結止霍亂
水瀉○小便尿血新者研末服

劉寄奴草
唐本草



市賣乾劉寄奴草形

修治莖葉花實並可用酒洗蒸之晒乾用
經驗方治湯火瘡至妙劉寄奴搗末先以糯米漿雞翎掃湯著
處後摻藥末在上並不痛亦無痕大凡湯著處先用鹽末搽
之護肉不壞然後藥末傳之
聖惠方治風入瘡口腫痛劉寄奴草為末摻之即止

始生江南今淮浙陝西夔路州郡亦有之根生大木或

石上。多在背陰處。引根成條。上有黃毛及短葉附之。又抽大葉成枝。葉面青綠色。有青黃點。背青白色。有赤紫點。春生葉。至冬乾黃。無花實。根入藥。採無時。本草拾遺名猴薑。日華子名石毛薑。江西人呼爲胡孫薑。象形也。開元皇帝以其主傷折補骨碎。故作此名耳。

根氣味苦溫無毒

主治破血止血補傷折○主骨中毒氣風血疼痛五勞六極手足不收上熱下冷○惡疾蝕爛肉殺蟲○研末豬腎夾煨空心食治耳鳴及腎虛久泄牙疼


頌曰骨碎補入婦人血氣藥蜀人治閃折筋骨傷損取根搗篩

煑黃米粥和果傷處有效

骨碎補宋開寶

修治用銅刀刮去赤黃毛
細剉蜜拌潤甑蒸一日晒
乾用急用只焙乾不蒸亦
得也

靈苑方治虛氣攻牙齦痛血出牙齦痒痛骨碎
補二兩細剉炒令黑色杵末依常盥漱後揩齦
根下良久吐之嚥下亦可
骨碎補使



根入藥
根有黃毛

續隨子

始生蜀郡。今南中多有。北土差少。苗如大戟。初生一莖。
莖端生葉。葉中復出數莖。相續隨生實也。故名續隨子。子黃有

穀。人家園亭中多種以爲飾。秋種冬長。春秀夏實。故又名拒冬。

一名千金子。

氣味辛溫無毒

主治婦人血結月閉瘀血癥瘕疝除蠱毒鬼疰心腹痛冷氣

脹滿利大小腸下惡滯物○積聚痰飲不下食嘔逆及腹內

諸疾研碎酒服不過三顆當下惡物○宣一切宿滯治肺氣

水氣日服十粒瀉多以酸漿水或薄醋粥喫即止又塗疥癬

續隨子

宋開寶



青殼



稜三



色



子如小豆大黃

米無時

修治去殼以紙包壓去油取霜用

崔元亮海上方治蛇咬腫毒問欲死用重臺六分續隨子七顆

去皮二物爲末酒服方寸匕煎唾和少許傳咬處立差



始生劍南山谷。今廣西亦有。以忠萬州者爲佳。苗蔓如

豆葉青經冬不凋。八月採根。因蔓如豆。故名山豆根。

氣味苦寒無毒。本經云味甘誤矣。

主治解諸藥毒止痛消瘡腫毒發熱欬嗽人及馬急黃殺小蟲
含之燕汁解咽喉腫毒極妙。○研末湯服五分治腹脹喘滿
酒服三錢治女人血氣腹脹又下寸白諸蟲丸服止下痢磨
汁服止卒患熱厥心腹痛五種痔痛研末汁塗諸熱腫禿瘡
蛇狗蜘蛛傷

山豆根
宋開寶



備急方治疥癬蟲瘡山豆根末臘猪油調塗

八月採根

馬兜鈴

始生古堤城旁。今關中河東河北江淮夔浙州郡皆有

之春生苗作蔓附木而上。葉如山籟葉而厚大背白。六月開黃紫花。頗類枸杞花。七月結實如大棗。作四五瓣。葉脫時其實高垂狀如馬項之鈴。故得名也。其根名獨行根。大如指黃白色。微似木香。故唐本草名土青木香。俗呼青木香。

馬兜鈴氣味苦寒無毒。○主治肺熱欬嗽痰結喘促血痔癩瘡。○肺氣上急坐息不得欬逆連連不止。○清肺氣補肺去肺中濕熱。

馬兜鈴
宋開寶



根名
青木香

修治馬兜鈴開去華膜只取淨子焙用○果四味厚氣薄陰中

微陽入手太陰經

摘玄方治一切心痛不拘大小男女大馬兜鈴一箇燈上燒存

性為末溫酒服立效

聖惠方治中草蠱毒此術在西良之西及嶺南人中此毒入咽

欲死者用馬兜鈴苗一兩為末溫水調服一錢即消化蠱出神效

青木香氣味辛苦冷有毒○主治鬼疰積聚諸毒熱腫蛇毒水

磨為泥封之日三四次立瘥水漿一二兩取汁服吐蠱毒又

搗末水調塗丁腫大效○治血氣○利大腸治頭風瘰癧疔

瘡即馬兜鈴根多服令人吐痢不止

袖珍方治惡蛇所傷青木香半兩煎湯飲之

始生西戎今江淮衡湘間皆有之春生苗葉皺似紫蘇大

而尖長不光莖高二尺許七月生黃白花似菊八月結實子極

尖細乾即黃黑色採無時形類鶴虱故名。

氣味苦平有小毒

主治蚊虻蟲用之為散以肥肉臚汁服方寸匕亦凡散中用○
殺五藏蟲止瘡及傳惡瘡○治蟲咬心痛

鶴虱別錄下品



撮數百粒置掌中

心痛鶴虱為末以淡醋和半匕服之立差○日華子云涼無毒

白附子

原出高麗今出涼州以西生砂磧下濕地獨莖似鼠尾

草細葉周匝生於穗間三月採根色白苗與附子相似故名白

附子。

氣味辛甘大溫有小毒

主治心痛血痺面上百病行藥勢○中風失音一切冷氣面廚

癩疵○諸風冷氣足弱無力疥癬風瘡陰下濕瘰癧面痕入
面脂用○補肝風虛○風痰

白附子
別錄下品



根形

色白



藏灰中
虫不蛀

修治入藥炮用乃陽明經藥日華子云新羅出者佳
簡便方治赤白汗斑白附子研黃等分為末薑汁調稀茄蒂
擦日數次

蚤休

始生山陽川谷及冤句。今河中河陽華鳳文州及江淮間
亦有之。苗葉似王孫鬼臼等。作二三層。六月開黃紫花。葉赤黃
色。上有金絲垂下。秋結紅子。根如紫參。皮黃肉白。四月五月採
根日乾。蟲蛇之毒。得此治之即休。故本經名蚤休。別錄名蚩休。

日華子名螻蛄。唐本草名重臺。本草綱目名三層草。因其葉狀也。今呼金線重樓。因其花狀也。南人名草甘遂。因其根狀也。圖經名紫河車。因其功用也。

氣味苦微寒有毒

主治驚癇。瘡頭弄舌。熱氣在腹中。癩疾。癰瘡。陰蝕。下三蟲。去蛇毒。○生食一升利水。○治胎風。手足搖。能吐泄。療癰。○去瘡疾。寒熱。

本經
下品



皮黃肉白

修治：螻蛄洗切焙用。伏椎、黃丹、砂、蓬砂及益。足厥陰藥也。按驗方治中鼠莽毒。螻蛄水服即愈。

胡蘆巴

今出廣州。或云種出海南諸番。蓋其國蘆葍子也。舶客

將種蒔於嶺外亦生。然不及番中來者真好。春生苗。夏結子。作
莢。至秋采。一名苦豆。

氣味苦大溫無毒

主治元臟虛冷氣。得附子硫黃治腎虛冷。腹脇脹滿。面色青黑。

得懷香子。桃仁治膀胱氣甚效。○治冷氣疝瘕寒濕脚氣。並

右腎暖丹田

胡蘆巴

宋嘉祐

色紫者真。色綠者酒豆子也。

修治水淘淨。以酒浸一宿。晒乾蒸熟。或炒過用。右腎命門藥。直指方治小腸氣痛。胡蘆巴炒研末。每服二錢。茴香酒下。

木賊

出秦隴華成諸郡近水地。苗長尺許。叢生。每根一幹。無花。

葉寸寸有節。色青。凌冬不凋。四月采之。作木器。用之磨光。能

去木屑。故名木賊。

氣味其微苦無毒

主治目疾退翳膜消積塊益肝瞻明目療腸風止痢及婦人月

水不斷得牛角鯁麝香治休息痢歷久不差得禹餘糧當歸

芎藭療崩中赤白得槐鵝桑耳腸風下血服之效又與槐子

枳實相宜主痔疾出血○解肌止淚止血去風濕疝痛大腸

脫肛
木賊 宋嘉祐



震亨曰木賊去節烘得發汗至易本草不曾言及
聖惠方治舌硬出血木賊煎水漱之即止

穀精草

處處有之。春生於穀田中。是穀田餘氣所生。故曰穀精。草葉莖俱青。根花俱白色。二月三月內採花用。一名戴星草。花

白而小圓似星。故以名爾。

穀精草氣味辛溫無毒

主治喉痺齒風痛及諸

瘡疥。○頭風痛。目盲翳

膜。痘後生翳。止血。○飲

馬生蟲。鬚毛焦等病。

明目。方治目中翳膜。穀

精草。防風等分。為末。米

飲服之。甚驗。

穀精草

宋開寶



夏枯草

始生蜀郡川谷。今河東淮淅州郡亦有之。冬至後生。葉

以旋復三月四月開花作穗紫白色似丹參花四月採震亨曰
此草夏至後即枯蓋稟純陽之氣得陰氣即枯故名夏枯草

夏枯草氣味苦辛寒

無毒○主治寒熱瘰

癧鼠瘻頭瘡破癥散

癭結氣脚腫濕痺輕

身

衛生易簡方治撲傷

金瘡夏枯草口嚼爛

罍上即愈

夏枯草本經下品



葉似旋復

四月收採

鴨跖草

始生江東淮南平地今處處有之葉如竹故名淡竹

葉一名碧竹子高二三尺花深碧好鳥色有角如鳥嘴北人呼

為雞舌草。亦呼為青蜂兒。

苗氣味苦大寒無毒
主治寒熱瘴瘧痰飲
丁腫肉癥澁滯小兒
丹毒○和赤小豆羹
下水氣濕痺利小便
消喉痺
袖珍方治喉痺腫痛
鴨跖草汁點之
危亦林傳效方治五
疳腫痛採取碧蟬兒
花按軟納于患處即
效

碧蟬兒
藍花



莖有節
綠葉
子大如小豆

山慈菇

生山中濕地。葉如韭花狀如燈籠而朱色。故一名金燈。

鴨跖草宋嘉祐
花如蛾形
取汁作畫色彩羊皮豔色青碧可愛

根狀如水慈菰故名山慈菰。

氣味甘微辛有小毒○主治癰腫瘡癩癰瘰癧結核等醋摩傳之亦剝人面除疥虱○主疔腫攻毒破皮解諸毒蟲毒蛇蟲狂

犬傷

山慈菰

宋嘉祐



類獨蒜頭



色白有毛殼包裹用之去毛殼

普濟方治粉滓面野山慈菰搗為膏夜塗旦洗



生江南澤地叢生莖圓細而長直穰可燃燈故名燈心

草俗呼燈草。

氣味甘寒無毒○主治五淋生莖服之○瀉肺治陰竅瀯不利行水除水腫癰閉○治急喉痺燒灰吹之甚捷○降心火止血通氣散腫止渴穰形

燈心朱開寶

宗奭曰陝西亦有之蒸熟待乾折取中心白穰燃燈者是謂熟

草又有不蒸者但生乾剝取為生草入藥宜用生草

經驗方治小兒夜啼用燈心燒灰塗乳上與喫



生下濕水傍。莖赤其葉大於家蓼故名水蓼。俗呼蓼子草。

水蓼唐本草大槩與水葦相似葉稍狹耳

氣味辛冷無毒
主治蛇毒搗碎
之絞汁服止蛇
毒入心悶水莖
漬持脚消氣腫
治脚痛成瘡先
剉水蓼煮湯令
溫熱得所頻頻
淋洗之瘡乾自
安



今造酒取以水浸汁和麴作麴假其辛味

海金沙

始出黔中郡。生作小株。高一二尺。七月收。其全科。於日中暴之。令小乾。以紙襯承。以杖擊之。有細沙落紙上。旋收之。且暴且擊。以沙盡爲度。因色黃如海底細沙。故名海金沙。

海金沙宋嘉祐

海金沙氣味甘寒無毒
主治通利小腸得梔子
馬牙消達沙共療傷寒
熱狂或丸或散
治濕熱腫滿小便熱淋
膏淋血淋石淋莖痛解
熱毒氣
治熱淋急痛海金沙草
陰乾爲末煎生甘草湯
調服二錢



其粒細如黃沙
今市家多以葶
歷子充之
用者宜辨

鷄冠

處處有之。三月生苗。入夏高者五六尺。矮者數寸。其葉青柔。其莖或圓或扁。有筋起。六七月稍間。開花有紅白二種。其穗圓長而尖者。儼如青箱之穗。扁舒而平者。儼如雄鷄之冠。子在穗中。黑細光滑。因花狀命名鷄冠。

花其涼無毒。主治痔漏下血。赤白下痢。崩中。帶下。分赤白用。子其涼無毒。主治止腸風。瀉血。赤白痢。崩中。帶下。入藥炒用。苗其涼無毒。主治瘡痔。反血病。



鷄冠
宋嘉祐

葉經霜則紅

孫氏集驗方治婦人白帶白鷄冠花晒乾為末空心酒調服三錢赤帶用紅鷄冠花

鎖陽

出肅州。按陶九成輟耕錄云。鎖陽生韃靼田地。野馬或與蛟龍遺精入地。久之發起如笋。上豐下儉。鱗甲櫛比。筋脉連絡。絕類男陽。即肉蓯蓉之類。或謂里之淫婦。就而合之。一得陰氣。勃然怒長。土人掘取洗滌。去皮薄切晒乾。以充藥貨。功力百倍。於蓯蓉。李時珍曰。此自有種類。如肉蓯蓉列當。亦未必盡是遺精所生也。

氣味甘溫無毒

主治大補陰氣益精血利大便虛人大便燥結者啖之可代蓯

蓉麥粥彌佳不燥結者勿用。潤燥養筋治痿弱。

鎖陽
補遺



紫色

三七

生廣西南丹諸州峯峒深山中。採根暴乾。黃黑色。如老乾地黃有節。彼人言其葉左三右四。故名三七。蓋恐不然。原名山漆。謂其合金瘡如漆粘物也。三七者俗稱耳。

味其微苦溫無毒

主治止血散血定痛。金刃箭傷跌撲杖瘡血出不止者。嚼爛塗或為末。摻之血即止。亦治吐血衄血下血血痢崩中。經水不止。產後惡血不下。血暈血痛赤目。瘰癧虎咬蛇傷諸病。

本草原始

草部

三卷四

三七類竹節參味甘而苦亦似參味但色不同參色黃白而三七色黃黑

山漆新增



根形



二形俱佳

市多以定風草充之但色白體輕味薄為異或云試法以末摻猪血中血化為水者真

近傳一種草春生苗夏高二三尺葉似菊艾而勁厚有岐尖莖有赤稜夏秋開黃花蕊如金絲盤紐可愛花乾則絮如苦蕒絮根葉味甘治金瘡折傷出血及上下血病甚效云是三七而根如牛蒡與南中采者不類恐是劉寄奴之屬甚易繁衍

赤痢血痢三七三錢研末米泔水調服即愈

申松香今黔蜀州郡及遼州亦有之叢生山野葉細如茅草根

極繁密。八月採根始產川西松州其味甘而香故名其松香。

坤松香氣味甘溫無毒

主治惡氣奔心腹痛滿下氣○黑皮黚黯風痺齒墮野鷄痔得
白芷附子良○理元氣去氣鬱○脚氣膝浮煎湯洗

其松香

根

朱開寶



色紫赤味
其而氣香



奇效方治勞瘵熏法其松六兩玄參一斤為末每日焚之

藿香按廣志云。出海邊國。莖如都梁。葉似水蘇。可著衣服中。頌

曰。嶺南多有之。人家亦多種。二月生苗。莖梗甚密。作叢。葉似桑
而小薄。五六月采。日乾。乃芬香。本草綱目云。豆葉曰藿。此葉似
之。故名藿香。

藿香氣味辛微溫無毒
主治風水毒腫去惡氣止霍亂心腹痛○脾胃吐逆為要藥○
助胃氣開胃口進飲食○溫中快氣肺虛有寒上○壅熱飲
酒口臭煎湯漱之

藿香

別錄木部上品
今移草部



氣芬香

葶微方六月七月采

藿香圓莖葉頗類茄葉而小亦像豆葉古人惟用其葉不用枝
梗今人并枝梗用之因葉多偽故耳

果曰可升可降陽也入手足太陰經
百選方治霍亂吐瀉垂死者服之回生用藿香葉陳皮各五
錢水二鍾煎一鍾溫服

青蒿

本經原名草蒿。蒿草之高者也。始生華陰川澤。今處處有之。春生苗。葉極細軟。至夏高四五尺。秋後開細淡黃花。花下便結子。如粟米大。八九月採根莖子葉。並入藥用。此蒿獨青。異於諸蒿。故名青蒿。

青蒿氣味苦寒。無毒。主治疥癬。痂痒。惡瘡。殺蟲。治留熱在骨節。問明目。鬼氣尸症。伏留婦人血。氣腹內滿。及冷熱久痢。秋冬用子。春夏用苗。並搗汁服。亦暴乾為末。小便入酒和服。

青蒿

本經下品

葉似茵陳。面背俱青。



補中益氣。輕身補勞。駐顏色。長毛髮。令黑不老。蕪去蒜。髮殺風。
毒心。痛熱。黃生。搗汁。服并貼之。○治瘡疾。寒熱。○生搗。傳金瘡。
止血。止疼。良。○燒灰。隔紙。淋汁。和石灰。煎治惡瘡。瘰內。鷹癩。
雷公云。凡使。惟中為妙。到膝。即仰到腰。即俛。使子勿使。葉使根。
勿使。莖四件。若同使。翻然成瘡。疾采得。葉用七歲兒。七箇。溺。
浸七日。七夜。漉出。晒乾。

青。○伏。硫。黃。

百一方。治蜂螫人。嚼青蕪。傳患處。即差。

蕪菜

處處人家。植之。春初。種子。冬月。宿根。亦自生。苗。葉似葵菜。

而大。亦似絲瓜。葉有歧。又嫩。時亦可茹。過小。滿後。長莖。高五六
尺。花似木槿。而大有深紅。淺紅。紫黑。白色。單瓣。千層之異。惟紅
白二色。入藥。其實大如指頭。皮薄而扁。內仁如馬兜鈴仁。及蕪

莢仁。輕虛易種。其稽剝皮可績布作繩。按爾雅翼云。葵者揆也。葵葉傾日。不使照其根。乃智以揆之也。種出於蜀。故名蜀葵。

花氣味并冷無毒。主治赤者治赤帶赤痢血燥白者治白帶白痢氣燥。○苗氣味并微寒滑無毒。主治除客熱利腸胃。煮食治丹石發熱。大人小兒熱毒下痢。搗爛塗火瘡。燒研傅金瘡。根莖主治客熱利小便。散膿血惡汁。○子氣味并冷無毒。主治淋澀通小腸。催心落胎。療水腫。治一切瘡疥并癩疵赤靨。

根主客熱通便

蜀葵
宋嘉祐



莖理惡瘡散血

葉搗爛貼金

衛生寶鑑治小便淋痛葵花根洗剉水煎五七沸服之如神
普濟方治誤吞銅錢葵花黃汁服之

地丁

始生山南巖石及高岡上。今處處有之。苗覆地春生。葉青

小花開有紫白二種。根直如釘。入藥宜用紫花者。故俗每呼為

紫花地丁。

氣味苦辛寒無毒
主治一切癰疽發
背疔腫瘰癧無名
腫毒惡瘡
乾坤秘韞治黃疸
內熱地丁為末酒
服三錢



紫花地丁新增

根紫色二月採

孫天仁集效方治癰疽發背無名諸腫貼之如神紫花地丁草
三伏時收以白麩和成鹽醋浸一宿貼之昔有一尼發背尋
得此方數日而痊

白頭翁

生嵩山山谷今處處有之苗作叢狀如白微而柔細稍

長葉生莖端上有細白毛而不滑澤近根有白茸正似白頭老
翁故名焉本經名野犬人名胡王使者別錄名柰何草皆狀老
翁之意本經下品

氣味苦溫無毒主治溫瘧狂易寒
熱癥瘕積聚瘵氣逐血止腹痛療
金瘡鼻衄止毒痢赤痢腹痛齒痛
百節骨痛項下瘤癧一切風氣暖
腰膝明目消贅

豚實為之使

得酒良

陰乾
白頭翁使



根紫色近根
有白茸

七八月採根

鳳仙

人家多種之。極易生。二月下子。五月可再種。苗高二三尺。莖大如指。中空而脆。有紅白二色。葉長而尖。似桃葉。而有鋸齒。極間開花。頭翅尾足俱具。翹然如鳳狀。故名鳳仙。又一名金鳳。花有紅白紫碧數色。自夏初至秋盡開。花謝相續結實。大如櫻桃。尖銳。色如毛桃。故一名小桃紅。生青熟黃。犯之即裂。故一名急性子。子似菜菔子而小。褐色。婦女採其花及莖葉包染指甲。每呼爲指甲草。

子氣味微苦。溫。有小毒。主治產難。積塊。噎膈。下骨哽。透骨通竅。花氣味甘。滑。溫。無毒。主治蛇傷。搗酒服。即解。又治腰脇引痛。不

可忍者研餅晒乾為末空心每服三錢活血消積
根葉氣味苦辛有小毒主治雞魚骨哽誤吞銅鐵杖撲腫痛
散血通經軟堅透骨

鳳仙新增

子性急速故能透骨
軟聖庖人烹魚肉硬
者投數粒即易爛是
其驗也緣其透骨最
能損齒與玉簪根同
凡服者不可着齒多
用戟人咽

鳳仙枝形



衛生易簡方治馬患諸病白鳳仙花連根葉熬膏遇馬有病抹
眼四角上即汗出而愈
摘玄方金鳳花子研末入此少許點瘰牙根取之

陀羅花

生北土。人家亦栽之。春生夏長。綠莖碧葉。高二三尺。八月開白花六瓣。狀如牽牛花。而大。朝開夜合。結實圓而有丁。拐。中有小子。八月采花。九月采實。法華經言佛說法時。天雨曼陀羅花。又道家北斗有陀羅星使者。手執此花。故後人因以名。花曼陀羅。因葉形似茄。一名風茄兒。一名山茄子。一名胡茄。

花子氣味辛溫有毒

主治諸風及寒濕
脚氣煎湯洗之又
主驚癇及脫肛并

入麻藥
花白于紫色類茄子



新增

李時珍曰相傳此花笑采釀酒飲令人笑舞采釀酒令人舞于
常試之飲須半酣更令一人或笑或舞引之乃驗也八月采
蔓陀羅花七月采大麻子花陰乾等分為末熱酒調服三錢
少頃昏昏如醉割瘡灸火宜先服此則不覺苦也

芫花

始生淮源川谷今處處有之苗高二三尺葉似白前及柳
葉根皮黃似桑根正月二月花發紫碧色亦有白色者葉未生
時收采日乾別錄名杜芫吳普名赤芫山海經云首山其草多
芫是也。

氣味辛溫有小毒

主治欬逆上氣喉鳴喘咽腫短氣蠱毒鬼瘡疔癩癰腫殺蟲魚
肉毒根療疥瘡可用毒魚○治心腹脹滿去水氣寒痰涕唾

如膠通利血脉治惡瘡風痺濕一切毒風四肢攣急不能行
步○療效逆瘴瘡○治水飲痰癖脇下痛

芫花木
部下品
今移此



修治芫花留數年陳久者良用當微炒或以醋炒不可近日
吹明為之使反其草多服令人洩
集効方治白禿瘡芫花為末猪脂和傅之

覆盆子

長條四五五月紅熟秦州甚多永興華州亦有及時山中

人採取其味酸甘外如荔枝櫻桃許大軟紅可愛矣採則就枝

生蛆。益腎藏小便。服之當覆溺器。故名覆盆子。

氣味甘平無毒

主治益氣輕身令髮不白。○補虛續絕強陰健陽悅澤肌膚安和五臟。溫中益力療勞損風虛補肝明目並宜擣篩每旦水服三錢。○男子腎精虛竭陰痿能令堅長。女子食之有子。○食之令人好顏色。榨汁塗髮不白。○益腎臟縮小便。取汁同少蜜煎為稀膏點服。治肺氣虛寒。

覆盆子別錄上品
自果部移入此



青黃色
有鱗甲



五月采之烈日
暴乾不爾易爛

修治去蒂取子以酒拌蒸之晒乾用。覆盆子臣
集簡方治陽事不起。覆盆子酒浸焙研為末。每旦酒服三錢。良

卷之四

始生。回回國。今西土。邛州諸處皆有之。蔓生。夏開黃花。

七八月結實如栝樓。生青熟赤。亦如木鼈。其核圓小於木鼈而色白。味苦。故一名苦實。狀如馬之連錢。故一名馬錢子。

番木鼈味苦寒無毒。主治傷寒熱病。咽喉痺痛。消痞塊。並含之。嚙汁或磨水。禽獸

番木鼈新增



能毒徇至。亦能殺飛禽。今人多用毒烏鴉。

番木鼈形圓。色白。有毛細切。搗爛和肉。內毒鼠即死。勿令猫食之。

黃藥子

原出嶺南。今瓊崖州郡及明越秦隴山中亦有之。以忠

州萬州者為勝。蔓生。葉似薄荷而色青黃。莖赤有節。節有枝相

當其根初採時紅赤色。暴乾則黃。故名黃藥子。

氣味苦平無毒。

主治諸惡瘡腫。樓喉痺。蛇犬咬毒。研水服之。亦含。亦塗。○涼血降火消瘰解毒。○治馬心肺熱疾。

黃藥子

宋開寶

自木部

移入此



市賣根形



皮紫黑色
多鬚每鬚
處有白眼
肉黃色

兵部手集治鼻衄出血。以新汲水磨黃藥子汁一盞。頓服立差。

黃藥子

山谷處處有之。根如地榆。長條黑色。聞之極臭。俗呼雞

糞草。

墓頭回乾久益善治前中赤白帶下不拘遠年近日少則一服
多則三服其効如神每用一把水酒各半盞童便半盞新紅
花一捻煎七分隨臥服

根色黑氣臭

墓頭回新增

葉形見之避水集驗要方根形見市賣者



肝胎蔡大尹任滑縣夫人有前病醫藥百計不效有一僧人獻
上方一服輒愈後轉相傳治無不稱驗
今人治傷寒瘟疫多有用作墓頭回者

白龍膏

劉松石保壽堂方云。生近水傍有石處。寄生搜風樹節。

乃樹之餘精也。細如椶絲，直起無枝葉，最難得真者。一種萬纏草，生于白線樹根，細絲相類，但有枝莖，稍粗為異。誤用不效。此草形似龍鬚菜，而色白，故名白龍鬚。

氣味甘微辛平無毒。○主治男婦風濕腰腿疼痛，左癱右瘓，口目喎斜，及產後氣血流散，脛骨痛，頭目昏暗，腰腿疼不可忍者，並宜服之。惟虛勞癱瘓不可服。研末，每服一錢，氣弱者七分，無灰酒下，密室隨左右貼床臥待汗出，自乾勿多。蓋被三日，勿下床，見風一方得疾，淺者用末三錢，瓷餅，菱酒一壺，每日先服桔梗湯少頃，飲酒二盞，早一服，晚一服。

白龍鬚
新增



真

色青白有節

有一種色黃如細絲一種長及一二尺餘如草木之根皆偽也

草果 生閩廣八月采實內子大粒成團外殼緊厚多皺允資入

劑去殼取仁此草結實類果故名草果

氣味辛溫無毒

主治消宿食解酒毒除胃腸脹滿卻心腹冷痛同縮砂溫中焦

佐常山截疫瘡辟山嵐瘴氣止霍亂惡心

草果新增



味辛氣烈造魚鱠調食饌仗此以為君

修治草果去殼取仁判用升也陽也

大茴香 出閩廣殼赤色大如錢有八角子藏殼中秋月收米嚼

甚香甜治膀胱腎間冷氣大有回陽散冷之功故名大茴香

氣味辛平無毒

主治腎勞疝氣小腸吊氣癰瘰乾濕脚氣膀胱冷氣腫痛開胃
止嘔下食調饑止臭生香為諸瘕霍亂捷方補命門不足要
理腰痛瘰惡瘡

大茴香
新增



紫色
八角



俗呼八
角茴香

修治鹽酒炒入心腎二臟及小腸膀胱亦有微炒為末用者

兩頭尖

自遼東來貨者甚多每呼為附子今呼兩頭尖象形也

氣味辛熱有毒主治風濕和氣

癰腫金瘡四肢拘攣骨節疼

痛多入膏藥中用

兩頭尖似草烏而兩頭尖銳黑色子考諸本草俱無載之者是



新增

以不知出處之的以俟後之君子再正之

通脫木

生江南。葉似草麻。心中有瓢。輕白可愛。女工取以飾物。此瓢脫木得之。故名通脫木。爾雅云。離南。活莧。山海經。又名冠脫。今俗亦名通草。

氣味甘淡寒無毒

主治利陰竅治五淋除水腫癰閉瀉肺解諸毒痛明目退熱

下乳催生

通脫木本經中品

瓢至輕虛有紋色白

今人看各樣顏色作花新鮮愛人

罌子粟

今處處有之。苗春生繁茂。花有白紅紫粉紅杏黃墨色



者。艷麗可愛。一名麗春。一名賽牡丹。一名錦被花。其實狀如罌子。其米如粟。故名罌子粟。一名米囊子。俗呼米殼。又呼罌粟殼。結青苞時。午後刺其外面皮三五處。次早津液出。以竹刀刮收入瓷器陰乾。名曰阿芙蓉。故今市者。猶有苞片在內。每呼爲鴉片。又呼爲啞片。王氏醫林集要言。是天方國紅罌粟花。不令水澆。頭花謝後。刺黃皮取之者。阿方音稱我也。以其花似芙蓉。故名阿芙蓉。

粟其平無毒。主治丹石發動。不下飲食。和竹瀝。煮粥食。行風氣。逐和熱。治反胃。胸中痰滯。治瀉痢。潤燥。

殼氣味酸澁微寒無毒主治止瀉痢周脫肛治遺精久數斂肺

澀腸止心腹筋骨諸痛

阿芙蓉是紅罌粟花之津液也氣味酸澀溫微毒主治瀉痢脫

肛不止能澀丈夫精氣○色蒼黑嗅之豆腥氣者真合春方

多用

豐干粟

穀部下

品今移

此



乾殼色白



宛如酒罌



濕熱瀉痢禁服誤用致人如劍

修治未殼去淨膜筋或蜜炙或醋炒各隨方法

一罌有子數千萬粒小如葶藶子其色碧隔年種則佳研子以

水煎仍加蜜為罌粟湯服石人甚宜飲

忍冬多生田坂。嗟。或產園圃墻垣。凌冬不凋。故名忍冬。蔓延

樹上。藤多左纏。故名左纏藤。又名鷲鷲藤。又名金釵股。又名老

翁鬚。四月開花。香甚撲鼻。初開色白。經久變黃。因名金銀花。凡數名者。前乃美其藤之異常。此則美其花之出類也。

氣味甘溫無毒

主治寒熱身腫。久服輕身長年益壽。○治腹脹滿。能止氣下。○治熱毒血痢。水痢。濃煎服。○治飛尸鬼擊。一切風濕氣。及諸腫毒。癰疽。疥癬。楊梅。諸惡瘡。散熱解毒。

忍冬。莖微紫。對節生。葉有濇毛。花長寸許。一蒂兩花。二瓣。一大一小。如半邊狀。長莖。氣甚芬芳。四月采。花陰乾。藤葉下拘。時日米。

金銀花形



萬表積善堂方治一切腫毒不問已潰未潰或初起發熱用金銀花連莖葉自然汁半盞煎八分服之以渣傳上敗毒托裏散氣和血其功獨勝

忍冬莖葉及花功用皆同昔人稱其治風除脹解痢逐尸為要藥而後世不復知用後世稱其消腫散毒治瘡為要藥而昔人並未言及乃知古今之理萬變不同未可一轍論也

白藤 始生南山山谷今泉州榮州有之生依南木故號南藤圖

經名石南藤莖如馬鞭有節紫褐色葉如杏葉而尖采無時始


因丁公用有效故別錄名丁父名丁公寄開寶名丁公藤

氣味辛溫無毒

主治金瘡痛延年○主風血補衰老起陽強腰脚除痺變白逐

冷氣排風和莖汁服冬月浸酒服○莖汁服治上氣咳嗽

石南藤宋開寶



按南史云解叔謙鴈門人母有疾夜禱聞空中語云得丁公藤治之即瘥訪醫及本草皆無此藥至宜都山中見一翁伐木云是丁公藤療風乃拜泣求翁并示以漬酒法受畢失翁所在母服之遂愈

清風藤

生台州天台中。其苗蔓延木上。四時常青。一名青藤。

主治風疾。○治風濕流注。歷節鶴膝麻痺癢痒損傷瘡腫入酒藥中用。

清風藤宋圖經 細條色青者佳

普濟方青藤根三兩防已一兩吹咀入酒一瓶煮飲

釣藤

原出梁州。今秦中興元府有之。葉細長。其莖間有刺。若釣

鈎。故名鈎藤。亦作吊藤。從簡耳。俗呼鈎藤。

氣味甘微寒無毒

主治小兒寒熱十二驚癇。小兒驚啼瘈瘲熱壅客忤胎風。大人頭旋目眩平肝風除心熱小兒內鈎腹痛發斑疹。

鈎藤別錄木部下品今移此 藤紫赤有曲鈎



古人多用皮後世多用鈎取其力銳耳手足厥陰藥也
錢氏方治小兒斑疹不快鈎藤鈎子紫草葶等分為末每服一
字或半錢溫酒服

鈎藤臣

本草原始卷之三